



橫山草堂詩集卷之六

五言律詩


遊冶詞

三月開新節
千門出孟年
看花金絡馬
倚曲玉調絃
江蒲河脆國
風輕楊柳天
側身歌舞地
堪作小遊仙

其二

草色山方稚
風和麥未秋
樓船歌伎出
水閣女郎畱
羅綺輕三月
烟花小十洲
江南無限好
隨意作春遊

其三



春鳥聲方變江烟時一空草花溪口上風日柳條中
內史丹青女山人黃石公閒情各容與酒罷欲凌風
其四

風土油花卜兒郎曲水觴雨方榆莢酒風較棟花涼
折蕙人皆艷踏青衣有香冶遊佳鹿地不數白雲鄉
其五

雲出花邊鳥蘭生澤畔烟東風春九十南國苑三千
酒裏逃人世塵間有洞天生平不滿百一日欲如年
其六

繁華十郡地歌管九春遊各有人如玉同登水上舟
婦叅方外佛客重故時侯江上烟波濶名傳何處求
郊外一出感時觸景宕子冶婦不勝年少之慨涉
人愁士悶悶戶牖間相去何似率爾占句詎多重
複葢眼前意中不繇力索若一改汰卽非故吾詩
三百篇重文叠句反覆不厭正是作者一時情事
耳自註

送

千里金陵路茲行如比鄰都城增國士海上起山人

客有黃金贈交誰青眼論一肩足行李驅策傲風塵

路逢夏樂工夏世以業給辦里中其老者能言吾先代事崔生幼孤子也每樂聞

之適旅中聽笛去鄉將百里而送清爽發耳謂此夏家聲也問之而果感而賦詩與之

竹裂馬提天鷲兩其最工者也

吾家已往事汝眼既經過喜或汝涓奏悲曾汝悼歌

急聲竹裂馬別調提天鷲設使涓延在爭場當若何

偶興

歿骨安知駿生時孰辨麟是非隨俗眼力命定浮身

飲酒完今日開書就古人悠然北窓下吾亦葛天民

黃履恒舉子全社以自有夜珠來句屬成近體

二首附之

自有夜珠來即今占未狹福應關地軸慧欲動星台

書備前朝賜弧當秋月開異時稱國寶不數一常才

其二

自有夜珠來應如明月開揚輝先甲第比象指中台

照乘殊輕魏映人已似裴繇知胎自聖驚代掌中木

乙亥元旦

歲改千門旦天行雨亦新梅花香擁筆竹葉醉藏身

山草堂集
三
白髮經前事。青山老故人。流光看草樹。拆甲待陽春。
四月十二夜舟行儀真江中

清夜懸春月。空江一片寒。蕭條船旅泊。忼慨客同看。
南北徵兵緊。風塵行路難。掃平何日事。安飯把魚竿。

其二

皎々逢明月。東隨一棹來。關山笛裏出。樓閣鏡中開。
浮世孤看影。生涯老是灰。披襟當絕炤。無意可容情。

沈伯翰結居西疇草堂以詩寄來次韻二首

新築署西疇。遐哉志所投。木華大朝士。瀟洒道家流。

白璧終堪贈。青山誰見酬。優游莘滑老。豈爲稻梁留。

其二

之子氣無疇。風塵故未投。世情消白眼。吾道自清流。
憶昔全年少。于今忝論酬。何當接衡宇。老伴德公留。

壽陳貞母

共仰巴清節。兼高孟母慈。子才堪鵲印。世德重雞碑。
海潤三珠樹。霜青萬歲枝。金漿不可得。何以報恩私。

白鳥

白鳥依沙渚。蕭然身不羣。似矜兩羽雪。甘遜一天雲。
果然不群

山草堂集
落日溪流澹。經秋蓼色芬。憑他爭飲啄。鷗鷺各紛紛。
張太孺人旌節詩二首

六甲冰霜久。千門風教高。共知茹蘖苦。應爲起坊褒。
子盡駒千里。誰云鳳一毛。英名看藉甚。湛母正興陶。

其二

已奠家如國。何慙母是師。一經堪奕葉。兩字立門楣。
南粵霑庭教。東吳載口碑。橫山一片石。鐵勒外孫詞。

東山卽事

冬煖如春仲。山圍亦似家。背行蟲上竹。鬚嗅蝶翻花。

北極低看斗。東溟早繫槎。封書下吳會。有客自京華。
送計偕者

指日長安近。三千路不賒。書多應費馬。劍老欲成蛇。
國事平看掌。文名大起家。燕雲三月好。踏盡滿城花。

却以爾晉以中秘歸養移居城南

戶植秦山對。村當大壑偏。側身潮浴日。撫几樹霏烟。
八月槎天上。三春鹿柳邊。飄然輕萬物。人指地行仙。

其二

鞅掌真小草。玄心托遂初。甫田堪種玉。夏屋但藏書。

海上少微躡山中宰相居蒼生望安石何日起微車
庚辰拜弔硤石西山沈節婦潘氏墓

四十三時序百千倍苦辛卓哉賢聖意立此婦人身
寶鏡懸山月嚴霜老渚蘋孤臣拜稽首感淚濕秋旻
二十七歲爲未亾人六十九歲而歿蓋孀居四十
三年也孤貞之情有月可炤孤貞之潔惟蘋可薦
吾有以信節婦矣自評

橋西卽事

去鳥高天外孤雲何處村煮茶收落葉移酒叩僧門

微嘯深林振聞行綠徑痕倦來眠石上衣冷問天孫
頻愁

酒病兼愁病愁頻醉亦頻那能婦女舌而立丈夫身
菊有陶元亮田無鄭子真從來寒儉骨卿相也猶貧
俞吶菴靜室

寂靜卽成隱何須事買山窓紅花氣映壁綠竹光斑
有興開書讀無妨閉戶閒年光遙似海夜盡復朝還
五言排律

尋白筍村舍

盤谷堪居李杲源可避秦何如遷白笥聊亦斷紅塵
 水僻鷗成族村荒鬼作鄰竹深三徑冷柳暗一溪新
 夜火敲山石春羹摘水蓴開書遊上古祀鈞作畸人
 日月淹雙鬢風烟小一身孤情任容與我與我相親
 遊古杏花村杜牧之詩稱牧重遙指杏花村者是也今池陽西關外演武其地
 村酒名傳舊西郊去不遙將軍停獵待明府折箋邀
 古寺畱因竹長塘渡必橋孤亭開草色絕頂步江潮
 說劍逢秦士聽歌得楚媯風雷生意氣文字發星杓
 身忝凌虛鳥情牽破浪橈話長春一線歸緩月中宵

江上催發漕船

星火嚴催檄旌旗發衛船東南合吳楚西北赴京燕
 帝曰兵先食臣知民所天九邊通臂使萬國荷甌全
 况復夷氛警尤當吏治先普天俱外府瑞地得豐年
 派發花朝近飾儲膺月前揚帆役神鬼順水挾飛仙
 事重威靈出漕司國命專前程五千里程限急于弦

歸興

簿領才原拙書狂氣未馴一麾還俎豆片札謝官民
 斥亦朝廷德歸仍草莽臣感恩容舊里攬興及餘春

山草堂集
白日平生事。浮雲此際身。蘭棊隨道路。劍氣付星辰。
飛夢懸松壑。傳書問釣綸。柴門秋萬頃。江路日兼旬。
何必韓安國。然灰起要津。

上虎丘塔

高塔凌山頂。晨登帶宿醺。晴窺海底日。陰見具區雲。
吳楚青連界。江湖白互分。天文占斗野。地道接巴君。
巴子國君山也我欲呼山鶴。身還似野麇。飛騰生有想。豁谷
道無聞。山色懷梅福。濤聲壯伍員。古今人共盡。俯仰
意如焚。不醉餘杭酒。堪尋雲夢芹。滄波吾有興。一棹

溯流泛

呂氏春秋云。萊之美者。有雲夢之芹。

家園咏竹

矯上勢凌空。亭上節自雄。清風晴洒濯。綠雪夏玲瓏。
客許羊求共。聲惟吹籟通。結英堪下鳳。作杖合成龍。
在衛方君子。于雷感相公。偶懷千古上。高咏午涼中。

海寧崇祀學師侯官鄭舒軒名宦詩

憶昔御神宗。先生文望隆。鳳翔千仞表。鴻漸百寮中。
典國平鉄鉞。興賢及菲葑。藜吹太乙火。榻擁廣成風。
奕葉生庭玉。飛英起帝龍。作人躋壽考。表世見公忠。

召伯人畱樹鮑宣世羨驄遐哉環海上展矣道常東
橫山草堂中雙樹蓋二百年物也東一樹開花
不實西一樹不花而實七如串珠着蒂一顆
紅紫可食鳥亦爭之其上一顆青碧色在樹
便出根芟墮地抽長成樹婆娑虬曲蒼翠鬱
然見者嘉異然從未有能物色其名者讀湧
幢小品而以爲陰陽栢詩以記之

絕域來高麗前聞得湧幢頗矜傳特遠况乃性成雙
東秀西垂實雄昂雌就降交根裂怪石接葉暗疏窓

吾不忌其祖客來憇有麗方松失塵尾比竹棄雞腔
捉筆添本草呼醅倒玉釭還應東同志分植布名邦

附沈伯翰和雙樹咏

并序

樹有雌雄相東西花實分每疑半夜雨常匝一天
雲名下知前輩行間見古文風流來往舊賡賞愧
方殷

東南土地平衍多禾黍桑麻而無奇花異木有
之亦不致異此吾鄉土人情之近實而可嘉也
橫山鶴塘橋吾友崔孟辰所居其庭中遺有先

世古樹二株葉如羅漢松身如山栢不能定名
為何木然其東花西實雄昂雌俯則可異也聞
即昔高麗所進陰陽栢夫以為異產則不及禾
黍黍桑麻之親且貴而以表陰陽之大義則其為
禾黍桑麻也多矣板對何久纔屬唱和白首如
新毋乃笑于雙樹

橫山草堂詩集卷之六終

橫山草堂詩集卷之七

古吳崔培元辰長父著

男長錄嗣長較正

同社沈 潘伯翰父評

七言律詩

登秦駐山

虛提

實應

東南不足憑誰補自覺登臨天地高
海若有輪歸水部山靈出險壯兵曹
邊城日落遙聞角極浦雲紅起野燒
寥廓何方居大隱烟橫風斷正難拈

題秦山始皇廟

荒涼舊跡有行宮。秦始東遊，傳說中山色不隨王氣。
盡海潮長，應月弦紅，苦無方眼。能千載空有玄心說。
六通不信，眼前皆影，夢慢因人事。願長風

廢屋

寂寥空屋向溪橫。水自澄清，草自榮華，棟無人鳩作。
主閒堦有客，鼠猶行浮泥，歲久從梁墮。新笋春來入
戶生，亦是目前今古事，不堪身世竟浮名。

孤山分韻得人字

亭外如雲走馬塵。亭中落日亂鶯嗔。柳拖柔似青衣。

女花老，殘于白髮人。地底翹翹能度曲，溪頭小小會
愁春。一番已事，渾如夢。四月山前綠正勻。

其二

佳人坐拂草文茵。蕩子歸乘馬翠麟。綠柳在爲今日
主。青山畱與後來人。鄂國臥碑長墮淚，林家飛雀久
無因。高歌且醉罇中酒，同是閻浮一劫塵。

出門

地濶天高此一生。萍踪寧復論前程。菱花曲裏堪高
臥。柳葉陰中又獨行。足視浮雲羞在地，愁當落日欲

成城離披病菊如家薄學得離騷餐落英

賦得走馬燈

行兵能不苦宵迷。紙甲將軍紙馱。烟火有光催列。騎關山無路。匿奔蹄。虛空直是從天下。進作何干出力。齊絕勝權奇。默靜裏。城頭鼓角當征。肇

其二

鷹揚往事都成夢。如此鷹揚真不真。直是影中騎過。疾不干聲裏。鼓催頻。有何骨力能英猛。攪得虛空仍。渾淪永夜曉。隨星漢罷。一翻炎氣又灰塵。

拆樓

年年賣屋又今年。拆去危樓仍舊田。且容綠草二三間。真是無界。裏再廣青天十畝邊。有竹可栽憑客至。無鄰堪卜事人賢。編蓬築土今貧士。剩得橋邊數柳煙。

途次逢諸估客

濁酒相逢天一涯。鄉音國俗互相誇。向來幾識時人面。今日同看秋渚花。曠色入樓天黯淡。長空極目路蒹葭。萍踪信宿期難定。明發扁舟隨處家。

化身蜒蚰

未聞一蜒蚰能化兩身者。陡爾目擊。理不可審。體裂裏碎。謂殆將死。又疑。

孕育然移時
成兩頭去矣

伯翰云莊周蝴蝶兩不相化中間又流一夢
何等層累此詩真可達化

一而二而四何極誰說真人獨化身一體纔分便爾
我三魂豈復舊心神若云有命生同刻何以前程去
不勻你是甚身他是甚相逢記否現身因

其二

彼身卽此前身是現在心還明不明隔斷半生成兩
世合來一個舊三生豈應痛癢猶相共業已東西各
自行若說轉輪王有據一靈那得兩身更

題客館

浮生歷落四愁侵獨往無疑天地心行到白頭終不
盡身當清世豈妨沉一床輕雨淹時月數卷殘經槩
古今只少扁舟八月裏暫舒孤興五湖深

懷舊

欲往從之勞夢思寸心夙昔見交知胸低五岳豪人
俠筆吸三江才子詞歲月忽移成逝者襟期欲吐竟
何之浮生老大無聊賴泣向寒原酒一卮

上枕流閣

村殘樹禿愁更愁。獨上枕流之空樓。折竹吼風聲若
裂。濕雲啣雨勢難收。半窓冷落與誰共。幾卷殘書將
獨讐。直欲憑虛一叫絕。此身懶向寒空留。

悼叔閒弟

叔閒以癸丑仲冬屬纊。心緒鬱結無
語。可訴。甲寅七月節。屈中元招魂設

食事。同村俗。悲憤橫集
不覺其文之不叙矣。

生離歿別眼前事。月冷風清何處身。天地不仁仇義
士。詩書無運失勞人。數篇句裏心猶在。千古場中名
易淪。爲問一生豪意氣。泉臺孤憤向誰瞋。

其二

神理不隨年筭盡。音容泯漠問山阿。可憐管輅功名
薄。况是賈生才氣多。俠骨自應驅厲鬼。慧心早已破
羣魔。泉途不似人間險。歷地經天無伴何。

其三

我欲招魂岐路多。鷓鴣聲裏泣哥哥。高山有際空青
壁。滄海無情但白波。人世坎軻嘗欲盡。鬼途情事更
如何。可憐數盡無還理。不及臨風綠芰荷。

其四

平時落筆驚風雨。此日孤踪竟鬼神。化碧若無潛地

血爲星定作住天身。淚枯立骨啼兄弟。氣盡殘年泣
母親。天道茫茫安可問。芝蘭催折草爭新。

以南宮試過金陵

天作留都雙闕標。石頭城外見江潮。山陵葱鬱臨羣
秩。雲物推遷自六朝。臣是書生慙倚劔。客惟俠友共
征輶。南京取象如南極。北極神京指斗杓。

下第出都門

春榜朝開塵滿城。笑余裘敝不成名。文章未即能先
輩。甲第何妨失後生。紫色雲高天咫尺。清風家遠路

千程。一鞭細雨垂楊外。歸去還尋白社盟。

睡鄉 崔生日覺不如夢夢不如無夢言乎其至
適也人生行樂耳樂勝憂忘樂又勝樂忘
樂之樂不可儀旨與無夢等然而造無夢于
睡鄉猶易造無夢于開眼白日更難也

樽空酒了即登床。轉過醉鄉歸睡鄉。便可乘車入鼠
穴。豈難作蝶出人場。鵝鳩聲裏春宜雨。楊柳條邊午

此鄉風物如許

正涼津路不由尋。訪得竟從人世到羲皇。

送友人移寓太湖之東山

此行誰與結爲鄰。君自蕭然無定身。閱世豈妨長白
眼。托廬直欲斷紅塵。天開震澤烟波濶。地接靈巖嶺

岫新我亦高秋携白酒。相期同作浪遊人。

戡山集呂四兄淇園

山陰城內爲王右軍舊宅

人境結廬君自遠。到來正喜快幽尋。古人瀟灑能前
哲。今日登臨期此心。眼底浮生勞下走。風前寄慨見
知音。平生頗亦思塵外。問水論山自不禁。

其二

物華人傑一時新。磊落相看歎絕倫。客坐蒲筵招俠
友。吳歌當酒出佳人。松陰老是生前韻。山古閒于定
後身。不信此生隨變易。卽從箒嶼問天真。

移居橫山草堂

大小橫山題草廬。長林陰翳日蕭疏。塘名自古誇爲
霍。溪畔于今許釣魚。到海有圖探五岳。隔江無信問
三閩。平生浪跡耽遊放。結得樓成亦似車。

其二

一曲鶴塘舊有名。橫山草堂新結盟。有誰把臂入林
好。且放臨風雙眼平。作客半生際影過。在家一日浮
雲輕。洗桐看竹此時事。山色溪光延望清。
須看他自呼自吸之

氣

其三

且脫寬衣掛薜蘿。寒村不盡白雲多。有鄰何必通名姓。隨意無妨獨嘯歌。似鐵松枝經雪老。疑烟山色倚天羅。欲如顧况當年事。老去還尋太華過。

新居

憂劇而醉思劇顛。書空咄咄徒茫然。何如淡宕此胸次。小視身世如雲烟。求友相彼有聲鳥。卜居隨茲不住天。榮枯直是各安分。朝菌晦朔同大年。

其二

身如野鹿何逶迤。道亦托宿時轉移。今日不是昨日事。至人又以常人師。落花隨流與俱遠。倚樹看雲還獨遲。孤興忽乘人事絕。側身野濶青叅差。劃然別開

題畫蘭

山陰道上滿山是。憶得同遊手摘人人去。一江天外澗花留半幅。卷中新撫琴托感。聞魯叟結佩臨風想。楚臣自古國香零。落易秋來不許伐。如新

贈西遊客

驗蟻人事更如何。羨汝優游物外過。西去曉探天竺

積山草堂集
路東歸秋及洞庭波頭經苦行餘殘雪心有孤情寄
綠蘿慢說好山行易盡吳天越壤遍嗟峨

遊德勝門水關

蓮花欲似六郎紅楊柳當年張緒風突有平湖開郭
內絕無吹垢到橋東徵歌倚笛吳儂曲角射穿楊燕
市弓牢落相逢盡豪士一番潦倒各稱雄

平常語起結隨意故自卓卓 自評

送以修姪下武進士第南還 時同罷者三千人

出廓垂楊醉裏扳此行未許便投閒于今抱玉題爲

石有日提弓倚作山五十盤高雲滿路三千客散月
臨關男兒莫負陰符意拓地籌邊指顧間

鹿吳弟參軍赴霸州軍事

一官豪舉氣方遒挾策提鞭指霸州倚馬有才看草
檄斷鼇何日底橫流江南家截浮雲外冀北烽驚窮
海陬府第卽今懸異賞莫愁郎佐不公侯 時籍魏良卿寧國室

宇額以策勲府第畱待邊功者

戊辰出京

欲就其如疎放身且從一掉出天津大招南國心先

到小社西山春後申殘卷有書堪歲月釣竿無力動
星辰自矜老就南宮試此後年如朱買臣

阻冰寶應登觀音閣望白馬湖

白馬無邊甃社連凝冰積雪斷寒烟身于江北淮南
寄家在橫山長水邊持偈老僧手有結問途愧我事
多牽何如卽此逃名去隨意虛空不住天

橫山草堂詩集卷之七終

橫山草堂詩集卷之八

七言律詩

過金山

風物淒淒感倦遊金山絕頂出揚州江空海濶魚龍
窟木落霜嚴薜荔秋鼓角數聲聽鐵甕烟波三楚見

銀鷗浮生一葉如秋繫孫魯城邊土一杯

鎮江城南
孫策墓城

東魯
肅墓

維揚遇鄭次卿

相逢契濶嘆髯枯家有藏書讀盡無放眼欲空日月

表托身何地杜蘭俱天鄰淮瀆雲形變江過中冷水
味殊俯仰物華添勝事登臨把手共踟躕

仲生以儒家子貧仕廣陵兼攝驛事語言爽志
喜而贈之

尊公老作如京使君亦郵傳領使星誰識移家雙吏
隱居然憂國一窮經河肥水族魚當飯雨破官牆荻
結屏蕭灑出郊懸藻鑑何人復敢傲銀青

初過五溪登望華亭

萬○登○山○中○水○一○灣○孤○亭○高○見○九○華○山○遥○知○截○路○難○尋

處○只○在○通○雲○窈○窕○間○近○古○有○人○逃○歲○月○于○今○無○術○許
躋○攀○勞○勞○束○帶○驅○官○路○不○及○雙○鳧○輕○往○還

池州湖心亭

郊外史鶴野携酒于此

昔人詩裏聞秋浦此日亭中似夢遊酒出故知今地
主語來隨意與天游杏花村暗雲初斷苦竹巔青烟
乍收還欲齊山最深處寒泉九十濯清流

九華山次舊韻

挾得同遊美孟年捫蘿盤磴徧諸天無方縮地能輕
舉有酒澆春作小顛身就白雲堪獨遠名畱青嶼定

誰賢東崖一覽荆吳盡。思滿風烟感逝川。

送甯蓮宇清軍閩漳 甯楚人以石埭令陞去

同官警爾兩兩經年。此日看君快似仙。酒盞水平楊子渡。月明人上洞庭船。湘沅花柳春猶冷。閩粵雲山望外炎。傳報一軍提海上。先聲早已斷漳烟。

送王方士歸楚 方士從趙藩來

寒雲萬壑映江沅。流雪千山下蜀門。君自草廬鄰屈子。更誰龍劍客平原。陰晴不定千秋氣。蘭茝難招烈士魂。最是楚材多隱逸。卽拚物色寄王孫。

從密崖關過黃瓜諸嶺占以記險 在太平

路緣山側踏嶙峋。畱雪陰陰似未春。兩壁坼開雲在澗。孤岑陡起障如闔。枝頭鳥血曾爲帝。石裏狐妖謂是人。此外衆山俱險絕。亦應秦代有遺民。

不是毒罵還是慈憫 自評

送姑孰孫我弘之任夾江

故人江左舊蜚英。錫土風揚江右旌。自是牛刀試小國。卽看鳧舄著高名。文章布地開星斗。耕作隨方壯壘城。何日璽書承簡召。公孫才是漢諸卿。

除夕王無枝兩郎君同在座

家山迢遞此風塵。座有高賢酒似銀。鼓盡卽爲新歲。客燈前惟我異鄉身。三千白長秋來鬢。九十青看曉。後春曲裏梅花霑氣早。明朝江上幾枝新。

甲戌元旦寓池州二首

今日池陽醉裏消。高山對酒青嶠曉。他鄉故鄉各千里。得歲失歲同一朝。何處火城引相國。誰家椒頌誇宮僚。鬚眉老去春光在。搔首高天還自驕。

其二

忽而舊年已。昨日今日之日。稱新年。明日明年更何似。此身此意徒惘然。千門子弟盡把酒。一片江湖堪釣船。春事欲來終過去。且逃蘇晉醉中禪。

出郭訪王無枝

肩輿出郭問山焦。就榻移樽不待招。禮法豈因我輩設。烟蘿忽與世氛遙。江連滄海千帆過。天近黃山萬壑超。何日臨風行絕頂。還同拂石聽松颺。

再遊九華

九子峯推天柱尊。芙蓉堆裏佛爲村。尚疑石內藏人

世祇見天邊蠹鳥門芝草崖生高士餌烟雲鉢起毒
龍蹲葛翁亦是凡間令一日飛昇井洞存桃源漁父
事天台劉

阮事皆
在石內

贈閩中吳君明以丹青遊吳楚間

握筆相看意氣麤飄然名姓滿江湖坐中嵩少三松
石夢裏瀟湘萬竹圖南北未期君去住風雲無定我
崎嶇尋常莫作書生視牛馬高陽舊酒徒

起手妙通篇一氣自評

嘉興郭外顏家看花四海棠樹下

海棠開盛秀州天不獨昌州香可憐在管三郎比妃
子于今千里駐高賢書傳端伯稱名友譜入賈耽擬
不是孟老本色語
列仙何似徐佗更流宕結巢其上飲其間

寄晉叔四兄

三秋一別條春妍想像兄家春水邊何日平原十日
飲冷然范蠡五湖船花飛仄徑紅無地鳥語長林碧
共天知有勝情提綵筆西生月色炤橫箋

清明早晴書邀伯翰

淡辰風雨到清明喜得朝來放早晴忽爾雲消千樹

出。走。然。天。淨。四。山。呈。踏。青。問。水。何。方。馬。繞。徑。啼。花。此。
處。鶯。我。亦。題。書。寄。同。調。尋。春。作。伴。和。歌。行。

秋夢雙鳳於雲表

六。像。三。文。識。羽。儀。啣。圖。巢。閣。寄。思。惟。何。當。落。魄。人。高。
臥。忽。遇。乘。風。鳥。絕。霓。十。二。律。中。詳。節。節。九。千。里。上。羨。
師。師。登。臺。未。得。如。蕭。史。憂。玉。那。能。起。后。夔。

埤。淮。龍。乘。雲。鳳。乘。風。○。有。波。折。無。閒。話。

自評

章。溪。種。杉。木。

先君子墓于章溪遙對秦駐山山在海上有始皇行宮

謾。謾。青。杉。望。有。香。一。坏。春。土。擁。成。行。參。松。列。栢。如。兄。

弟。葢。日。停。雲。互。短。長。水。鶴。起。巢。思。漢。廟。山。椒。結。宇。對。
秦。皇。被。崖。有。日。如。華。子。飛。葉。何。年。到。洛。陽。

杜。詩。古。廟。松。杉。巢。水。鶴。○。小。小。說。事。口。角。堂。皇。

自評

夢紙船得句

飛。車。天。馬。此。其。倫。雲。擁。風。扶。快。絕。塵。載。酒。定。邀。天。上。
客。吹。簫。應。喚。洞。中。人。誰。云。鐵。鑄。能。浮。海。我。欲。丹。成。舉。
此。身。弱。水。炎。山。何。足。限。卽。摹。天。去。跨。崑。崙。

以。評。論。語。開。章。故。自。可。可。

自評

海。昌。崇。祀。先。學。師。鄭。舒。軒。名。宦。詩。一。首。

讀
宗
鄭
教
心
海
風
雅
疏
是
疏
紅

絳帳重懸酒在鹵先生此地舊曾遊風騷到處存珠
玉劍氣于今著斗牛前哲共推名祭酒後賢疊起半
諸侯繇來海上稱明德六甲年深已一周

其二

愁予渺渺望蕭蕭海國興歌盡大招不佞世爲門下
士先生人指斗中杓越王山畔雲如馬螺女江頭鯉
是輶莫謂吳閩分野別天連巨海日通潮

泥美人次韻四首

泥是前身亦後身無情誰得賦窺臣不全媿娣能專

夕未許君王備下陳聚散有時仍大地肝腸無質指
微塵嫣然結束江南樣楚楚如生不昵人

其二

無多一捏掌中身約畧宮粧女顛臣似有血情通鬼
域將無木偶論朱陳埽人國裏疑同類傀儡塲中嘆
聚塵物化從來誌五酉羣生直有幻形人

其三

亦是洹河色相身門風似否大朝臣爲誰寫像堪名
喚恰自登筵抵盡陳招不起來鴝鴒舞何妨前去驪

橫山草堂集
驕塵茫茫慾界痴相尚。捏臉圖形卽眯人。

其四

寔是浮生閨閣身。調泥傅彩借波臣。絕無著體溫涼處。賽有回眸百萬陳。撮爾無鹽生刻畫。塊然石女斷根塵。相看誰復論真僞。博取青錢號美人。

又泥美人次韻二首

不言不動婦人身。如婢如娼弗主臣。堪弄堪嘲堪冷落。自宵自旦自新陳。若從思化貞如石。不復腰綿滾似塵。老死病衰俱解脫。有何苦樂更繇人。

其二

無家無氏定誰身。后則稱君婦則臣。宜屋宜祠宜几案。是燕是趙是梁陳。容光似滿懷中月。立像難窺步底塵。爲問胡然而帝也。一生亭毒但隨人。

說難

落魄相逢說說難。何人堪與慰彈冠。山雞恁笑枯顏色。溪鳥從驕利羽翰。酒入散懷不肯醉。風催弱骨亦微寒。滑濱昔日鷹揚士。白髮猶甘老釣竿。

問胡來子移居

卜居買舍今曾未。有否床頭壯士金。定有遙山臨伏
枕。可無流水到鳴琴。本世難同調。把臂何人許
入林。雪夜倘乘孤興往。徑開何處得相尋。

春歸

輕舟如葉遡春風。家在橫山片石東。紅雪一天飛樹
重。綠烟半畝竹陰籠。人從去久歸如客。鶴亦年深老
似翁。野色不隨時事過。暫開三徑與誰同。

橫山草堂詩集卷之八終

橫山草堂詩集卷之九

古吳崔培元辰長父著

男長錄嗣長較正

同社沈 藩伯翰父評

五言絕句

蘆洲上

獨立數歸鳥。自覺形影親。輕風散無力。吹我浮雲身。

其二

此心不可極。臨風何浩蕩。蕭然一回顧。身上蘆洲上。

入山

橫山草堂集
飛鳥風扶去。行人雲外來。入山如入道。一轉一情開。
其二

獨步深山中。山溪多雲霧。轉眼一吟哦。不記來時路。
其三

入山坐松風。無復人間慮。不敢放聲歌。恐驚山鳥去。
其四

回首望越中。心與雲俱赴。不是不肯歸。鳥聲留我住。
泛月

長歌聲滿天。短歌彌發越。船頭吹白霜。醉酒臥明月。
對酌

小徑殊可戀。春來美苔蘚。向君看醉面。輸君雙醒眼。
其二

春色風方好。春林綠漸勻。不妨盃內酒。能醉獨醒人。
其三

鳥聲忽何處。臨水而深林。似于長臥客。共有羲皇心。
其四

固是人外交。無須問同調。試使惠與夷。當不相非笑。
其五

病酒復飲酒。酒倦雲自閒。近雲如淡霧。遠雲如亂山。
雜感

黃鳥而鵬飛。中天無所依。休休亦力力。舊巢何得歸。

其二

浮雲如蒼狗。風吹復何有。問我今日心。能必明朝否。

其三

明月滿我床。月色從天下。可思不可得。終非可思者。

其四

汀水清且長。我自惜我裳。新藕味可口。拔藕刺傷手。

其五

落花不可掃。曾記開時好。可憐道旁邊。狼籍春風早。

其六

入門語苦辛。出門感風塵。誰復舊顏色。青山如故人。

其七

若耶少女子。未許阿誰家。自憐顏色好。常自炤菱花。

題季醒畫圖

枯樹數株禿。晴烟迷野麓。孤舟何處人。搖蕩寒江綠。

古意

愁眉關不住。疆自弄青梅。旁人不解此。故作嬌羞猜。

其二

夢裏說君歸。笑醒空羅幃。羅幃何所有。愁殺月明時。

其三

庭前一片雲。飛如長安塵。莫乘美人去。不得隨相親。

山陰繆真我。出其家乘索題四絕

其一 梅窓易

天數地數五梅花。此其數莫作偶然觀。枝頭開訓詁。

其二 竹徑琴

六月幾竿雪。涼風發清音。千秋同調人。曠焉期此心。

其三 烹茶雪

味于香味外。苦茶雪則淡。火候君自參。此意期冥感。

其四 醒酒冰

善飲何必醒。善醒何必冰。而不內熱人。冷然風可憑。

徐州夜

水色黃河空。彭城片月中。誰吹鐵笛碎。天半落孤鴻。

題舟

臣是風波身。浮居無定鄰。歸家因久別。相看如故人。

其二

十旬九作客、頭蒙隨處塵、無家殊蕩子、却是浪遊人、
落梅

其二

可憐落花風吹向綠苔中、誰念冬盡時、苔枯綠未叢、
落梅可憐人、如人不可保、老年思年少、少苦不得老、

四雨

門外雨霏霏、空村鳥不飛、可憐獨坐人、懷人欲寄衣、

扇圖

意外山多僻、喬林秃似刪、何繇問津過、疑不是人間、

京邸題釣魚圖

秋風一釣竿、那得到湖干、江南無限好、舉袖拂圖看、
看劍

七夕

何論值千金、平生此意深、踟蹰默相向、白日回輕陰、
耿耿天上星、有何媚情色、誰人最痴心、相傳說七夕、

寶誌巖

借山不借水、此豈達者言、一朝脫化去、十秋復何存、

橫山草堂集
感舊時酒館

賣酒家何在、當年同醉人、不堪尋往事、惆悵滿湖春。
石頭

石頭
滕王閣

朝對石頭飯、暮傷石頭眠、隨他風雪緊、仍有釣魚船。
秋聲到江樹、掛帆遊子心、畱得王郎賦、千秋閣至今。

龍沙

龍沙佛作寺、佛是常人身、乃有芒鞋客、稱爲會裏人。

東湖

月出水逾濶、水動風微過、不測樹下人、幅巾而枯坐。

南浦驛

垂楊驛路平、浮雲過客行、繇來雲起處、朝盡朝復生。

蔬圃圖

出手綠盈圃、悠然足全生、荷鋤人異相、謂是蘇雲卿。

洪崖井

只說三皇時、丹成井仍在、誰是舊來人、空山但流翠。

鐵柱

鐵柱蓋以屋、棟宇何高華、焉知造物巧、石鐵不開花。

章江

輕舟蕩江沄曉色辨榆枌白羽畫水渡徒聞吳世雲
徐孺子亭

山水亭外深今古餘清音所高垂釣者不作羨魚心
午後雪深候客旣去登樓闌寂屏風十幅乃豫章
選勝中有石頭雪圖偶占數語存一時之意因漸
展臨次第竟之呵凍走穎納手增寒臥遊之快捷
于登涉矣時臘月二十之日也 自評

尋秋浦

不得船如屋隨人浩蕩心隱身書萬卷煙水渺然深

旅語

明月千秋下長城五字間 白髮與青山

有妄意地中藏金者絕句嘲之

昔人銀是土今人饑欲仙如何只問地還是不知天

遊鍾氏園林

對月成空相看雲起變思憑虛問寥廓感慨欲何之

聞笛

何人吹鶴骨涼夜發梅花一聲畱不住飛過石橋斜

橫山草堂詩集卷之十

古吳崔培元辰長父著

男長錄嗣長較正

同社沈 潘伯翰父評

七言絕句

夜鶴

獨鶴飛來欲夜分。一身形影自為羣。
霜衣西去從何處。溼破青天一片雲。

春宮

春宮三月白日長。風煖吹來芍藥香。
明知不是承恩處。

者勉寫蛾眉待聖王

雨驟

一聲雷破西山雨。走電翻雲六月天。前溪恁作風波險。快有漁翁放小船。

儻居西湖賦得楊花詞七首

良橋兩傍楊柳長。楊花飄舞春風香。啼鳥婉轉嬌如語。樓上愁人獨斷腸。

其二

湖面青山如黛修。東風吹遍柳條柔。花飛三月西湖

雪散作杭州一郡愁。

其三

楊柳花飛蝴蝶忙。青山不斷似情長。數聲竹笛江南引。狂絕春風馬上郎。

其四

飛起楊花望若空。桃花落水徧流紅。誰憐秦氏樓中恨。盡入春來風雨中。
時湖上有秦樓

其五

一曲吳歌垂柳邊。柳花撩亂意茫然。亭臨溪霧疑無

地○寺○過○山○崗○別○有○天○

其六

花○起○垂○楊○山○一○方○林○烟○水○色○各○蒼○蒼○天○如○水○定○魚○俱○
佛○國○比○林○深○鳥○自○王○

其七

山○長○水○濶○日○悠○悠○楊○柳○花○飛○宿○雨○收○痴○絕○等○閒○遊○子○
意○一○年○春○盡○不○甘○休○

少年行

白○馬○嘶○來○堤○柳○邊○酒○家○典○酒○付○銀○鞭○越○女○當○前○渾○無○

意○別○有○風○流○調○五○絃○

當壚曲

吳○姬○貨○酒○不○論○價○但○問○郎○能○多○飲○無○笑○出○含○羞○傳○竹○
葉○臨○分○忍○淚○贈○珊○瑚○

尼菴

老○尼○說○法○持○長○齋○水○曲○林○深○滿○徑○苔○隔○斷○春○光○人○世○
外○落○花○何○處○却○飛○來○

於螢火有感

螢○火○飛○飛○點○水○來○住○我○衣○裳○復○上○臺○忽○去○半○空○無○覓○

橫山草堂集
處亂星指點費疑猜

書寄徐申甫

江沿楊子路茫茫。意別封書十二行。清宵睽望秋風立。一路青山入建康。

快雪堂

堂在孤山西湖臨其下乃馮開之貯諸妾歌舞之地時馮甫物故粉壁紗窓一時零落同遊諸子不覺慨然

馮郎不在快雪在。入簾山水仍丰采。山水豈無了竟時。惜我浮軀不能待。

范蠡湖上

湖以范蠡名者不一其地此在郡城金明寺僧舍臨其上

范蠡湖邊坐老僧。流雲淡宕水清清。嘉興八月三更月。白鳥飛來亦聽經。

探梅

一身立作梅花伴。何以贈之數影斜。崔生不及東風好。透入餘香隨處嘉。

其二

不是松林夢後身。低徊花下步逡巡。江南驛路開應遍。愁絕隴頭相憶人。

吳山紫陽宮有丁野雀真身

裂石參雲古樹繁。仙人野雀此修成。若采千秋如一日。問君何事羨長生。晉人詩曰山中方七日世上幾千年

早至橫山

星落鐘聲一路聞。到來無伴指鷗羣。僧燃折竹朝烟濕。起作橫山寺後雲。

從別內家諸兄弟途中相憶詩

纔向臨安話離別。來難去易共悽悽。棹頭一路東風逆。吹去愁思復到西。

夜過橫山咏山上天燈

孤燈一點炤橫山。恰似星懸天上間。光落水中隨處影。伴人一棹夜深還。

丹陽詞 乙卯冬盡以計偕從丹陽就陸路

丹陽路去近南京。江水澄澄淮水清。行人纔得驟兒僱。又說年荒路不平。

其二

丹陽高岸欲如山。風雨吹船舟子蠻。撇得船行又驟背。寒沙侵拂鬢毛斑。

其三

丹陽驟子當行船一日紋銀值貳錢莫愁江塹分南北北盡燕雲總一天

其四

丹陽城外驟子聲盡是他鄉過客行一霎風起沙吹岸咫尺離人望不明

其五

丹陽香草離鄉香家到丹陽五日糧都門此去三千里却視丹陽是故鄉

其六

丹陽城外水流塵狹可容舟不炤人郎自陸行官路濶楊條傍馬徧垂青

南宿州元日 是晨拜閔子祠

家山一片白雲堆南北今朝各舉杯千里遙知說遊子那知已過宿州來

鴛鴦詞爲朱郎催粧

鴛鴦湖上鷓鴣飛雙起凌波映落暉相逢合調還今夕不復情牽夢裏衣

其二

鴛鴦湖畔柳條輕，郎自青驄俊有聲。
二星此夕聯雙壁，傾盡嘉興一郡城。

山陰歌

偏門城畔柳條鮮，麗公池上府山眠。
儂是吳人來越語，最憐郎至自吳天。

其二

桃花二月近清明，柳色成絲綠漸生。
最喜數朝風雨甚，牽郎不許上街行。

愛泉書庄

數間書屋倚南津，誰似先生物外身。
三徑竹中星處士，一杯花底酒賢人。

已未元宵後一夜同試諸兄遊玉河橋一絕

都門

例子元宵前後兩三夜婦女槩出走橋云慮一年中腿腰瘦軟以此壓之棋盤街前紅塵雜沓爾時俱散矣唱和為詩者馮斗莘六兄同遊則何點蒼祝三我徐楚石孺臺沈元之九如朱鼎梅節若

來遲同步可憐宵，何處朱樓倚最嬌。
天街剩有餘香在，春風拂上玉河橋。

金華山隱者

松髯瑟瑟樹鱗鱗有客逃名不記春騎過斷崖龍是
鹿呼來識字雀如人

丁卯秋抄以計偕北上舟次郡城別孝廣孝玉

兩弟歸南潯

弟自南潯歸舊居擁書萬卷興何舒燕雲江樹堪相
憶好寄春回雁足書

其二

一杯濁酒勸臨行弟返南潯我向京片帆頃刻乘風
便回首烟深白苧城

新月詩次古韻

海昌詩社競以曹仙姑韻作新月詩命筆和之按曹詩云禁鼓初聞第一敲乍看新月出林梢誰家寶鏡初磨出匣小參差蓋不交夫新月當初起更時西墮欲沒矣此豈仙者之詩哉

月落平湖浪影敲一鈎黃似畫眉稍憑蘭獨向晴宵
望惆悵難畱二鼓交

其二

夜色千門石火敲一鈎如畫近林稍隙光暫取當清
嘯未許輕雲一點交

陳九來從山陰至都門一路桃花因以占絕

一路桃花一月看三千七百到長安。祇因春色遙相待，簡點芳菲次第完。

苦水舖

在德州南三十里，諺云苦水舖神仙過，雷正布蓋言娼家之多也。

蕭條四野遍黃塵，苦水何曾有水津。娼婦沿門皆醜絕，神仙畱布與誰人。

泊舟揚州

吳都隋苑此揚州，往事豪華問水流。二十四橋今夜月，有誰騎鶴舊曾遊。

柳枝詞

揚州作

御史園前垂柳條，柳烟籠日倚風驕。冶遊士女秋猶出走盡，平山南畔橋。

聽杜宇

杜宇猶存蜀帝名，不如歸去恨生生。倒懸山竹春啼血，慘作人間亡國聲。

金陵莫愁湖

水澗垂楊兩岸枯，相傳云是莫愁湖。最憐人往名猶在，橋畔朱樓不姓盧。

其二

橫山草堂詩集卷之十一
九
生世爲家未是家。韶華倏忽漫相誇。卽如湖上輕飛蝶。也及春風一度花。

其三

霜落湖清吹野烟。寂寥詩句吊湖邊。妖魂若解爲蝴蝶。香滿春城花裏穿。

橫山草堂詩集卷之十終

橫山草堂詩集卷之十一

七言絕句

見齋婦說少年事有感

白頭人說少年時。口念彌陀事已遲。忍見西湖堤上柳。秋來風禿萬條絲。

叔閒墓

林風颯颯水潺潺。有客神明不可攀。何得陸機來寄宿。再傳玄語到人間。

塞上

橫山草堂集
塞上風寒吹野雲。近營羌笛不堪聞。故園楊柳青何似。腸斷新移六百軍。

魚臺野泊

一枕鍾聲水濶中。扁舟如葉泊寒空。欲眠不穩更垂盡。雨激波狂一夜風。

題扇上半竹圖

何處移來影半截。想像陵霄勢驚絕。買舟擬作瀟湘遊。折取斑稍釣寒雪。

殤婢

女兒年少死他鄉也。過浮生事一場。春色一山埋冷骨。游魂應和百花香。

其二

女兒年少未歸人。應有金剛不壞身。西鄰尉女同長瘞。俱是他鄉親不親。

徐尉藉紹興而少長京燕之官。青陽纔月餘而死。一未字之女死而以孝聞。婢死後尉女纔數拾日。

間事耳尉女葬西城山麓因附焉自記

題吳生萬竹圖

會記吳山萬竹中、瀟湘一路望間同、江南無限凌霄色、寂寞春寒薄暮風

其二

竹色彌天烟氣清、漁樵人裏問孤情、何人作得乘鸞客、截作吹簫奏一聲

錢塘詞

吳天不近越天遠、欲渡錢塘愁日晚、舟開頃刻風浪生、岸傍咫尺莫能挽

其二

江中舟子尚風波、江上村烟已夜飯、滄海橫流總不安、欲渡須渡莫當晚

春歸

輕舟一葉遡春風、歸泊橫山片石東、人因去久看如客、雀亦年深老似翁

白髮

早知不是長生骨、却怪春來白髮生、年方三十未為老、畱作窮愁一證明

歸舟早出清谿口

此首已見前律中
在否參訂
之誤

蕭然此日此風塵落落孤舟理釣綸楚賦有誰招放
士吳歌無奈憶佳人

廢園

玉蘭開罷海棠開南國遊魂招不來尚有侍姬垂白
髮漫嗟年少舊陽臺

女居士

粧成日色已盈門折得梅花供世尊阿彌陀外渾閒
事滿林啼鳥又黃昏

其二

齋坐無聲口誦經風來海上却嫌鯉玉筋點睛春障
日金針挑背晝移星

舟行過赤岸山西望外舅徐兢勿先生墓

西北風吹白日寒孤松半死浮雲攢恐使千秋茂長
夜平生翻作夢中看

讀海鹽舊誌証硤石沈山訛稱審

審耶沈也辨方真千秋公案問山神試從郡縣尋遺
跡聞見從無審姓人

其二

橫山草堂集
名賢畱姓把山呼焦齊匡沈總同裝若放沈山訛作
審曾識前朝郡守無

焦山之爲焦孝光在大江北固之東齊山之爲齊
暎在清溪上匡廬之爲匡先生卽禹貢敷淺源在
九江皆所經見亦猶沈山之爲臨海南陽二郡守

沈景也

自評

徐泰海鹽誌云沈山縣西六十里圖經宋臨海太守
沈景葬此山因名

橫山草堂雜體古詩

萃山畿

奈何許欺他荆棘中枯骨不得語

刎頸付與汝未定汝我心誰令便相許

將心明如炬不炤無目人質言驟難叙

獨漉篇

獨漉泥濁脫足不濯戒其險深凜如崩嶽夸父逐日
豈不彊梁中道渴歔猛不自量闔天闢宇瀨焉何窮
不見其始漫測其終厥初民生草茹水酌誰開僞端

作書舞勺豫章七年始辨其名溜入澗中性仍不更
冤虹血碧故自天成混沌之死若再生羲皇舊事何
足驚

孔雀行

籠來雙孔雀特贈維揚倡維揚倡家女清歌聲遠染
千金難一顧落筆生文章何以結同心博山沉水香
飲以樹頭酒臥以文犀牀琥珀裁爲枕梵羅錦作裳
含情寡言笑轉盼生輝光

四言雜詩

阻舟當湖

狂風折夢有家在胸欲歸不得久雨穿篷奔浪若馬
船有飄瓦鳥飛不起或僵牖下上水之魚旅遊于野
雜感

大直者曲天子之倚取妻不告大曲者正直在子躬
父攘則證羣言之譁家各相諉我平其施乘龍放蛇
其二

人之參差笑以當罵情之翻覆旦不及夜車折其幅
乃以行陸敵乘廢關出水下山

其三

多貪不斷出語留半外廉內假其態愈下辭兔不居
或報之馬

其四

我忘忘物狎入獸羣物忘忘我象耕鳥耘溪毛薦幽
以其苾芬泯勞之故繁詞多文

鑷鬚得感于鏡中

正月廿五

寥寥今夕忽忽疇昔輾然思之繇來跼蹐遠時若傲
石家如客雖及脂甘不知自澤詈乎勸乎莫已斯癖

有白者鬚習淡而腴曰誰指我以視以趨君子蕩蕩

良士瞿瞿

短歌浮生行

中夜聞悼亡者感不能寐早舟行
震澤中書以故懷時辛未正月廿

七日也

浮生碌碌時運如轂富貴途穢貧賤蹉跎生不足采
死則何辱我觀我身如寓暫宿世外有世脫身如桔
于焉逍遙冥漠嗜欲如其無知虛空同域天地時敝
此無終局

死之一途從未有確然言之者也易精氣為物言

卽此已
是確然

生游魂爲變言死變之一言涵蘊莫測雖慧心人
未易窮其狀也子曰朝聞道夕死可矣又曰未知
生焉知死及門之士不復問難遂開後人許多端
緒要之人盡死耳生爲人不長死爲鬼豈必其長
氣之聚終有時散矣神仙之理果而不誣聖人不
爲焉仙亦鬼之長命者不安死而求生終是躡冶
之金與其鬼而靈毋寧不靈而併無其鬼乎

自評

江中口占

車推馬步草折泥破我行踏躡孰知其故

其二

依依其柳逸逸其花飛如雪輕墮落誰家

其三

燕子燕子凌空其尾啣泥作窩綢繆以嘴

其四

江有夾江山外更山我如孤雲無心其間

荒臺歌當來日大難

落落荒臺天高氣開山長水斷蟲鳴雁哀搔首而悲
風來吹之來日大難人誰之知神龍在繼齧于蛭鼈

莫邪泥中不如寸鐵海潤不渡盟多不固心往身遙
霞沉日暮

梅花於谷

梅花於谷山崖水瀆質素疑玉凌寒愈芬雀啣雪落
蝶啄香分雲深而隱風生始聞揚州故客江南驛卒
笛裏時逢夢已失

檀菴共蒂蓮花贊

會見並頭蓮蓋一幹兩蒂未見一蒂二花而雙頭並起者也檀菴于大士前歲植盆蓮尋常種耳秋來突變步覽嘉歎如廣異聞

共蒂芙渠一花二

旁遇聯頭中起不種而生

